

TUDM NAIB JOHAN PERARAKAN MAULIDUR RASUL PERINGKAT ATM

airforce.mil.my/berita/acara-rasmi/5658-tudm-naib-johan-perarakan-maulidur-rasul-peringkat-atm

KUALA LUMPUR, 22 Nov 19 – Kontinjen TUDM yang terdiri daripada 31 pegawai dan 70 anggota LLP telah menyertai perarakan sempena Sambutan Maulidur Rasul Peringkat ATM yang bermula dari Padang Kawad Kem Kementah hingga ke Dataran Masjid Khalid Al-Walid, kira-kira jam 8.45 pagi tadi. Turut serta dalam perarakan ini juga adalah kontinjen dari Markas ATM, Tentera Darat dan Tentera Laut.

Sambutan Maulidur Rasul Peringkat ATM dilaksanakan selama 3 hari mulai 21 hingga 23 Nov 19 melalui penganjuran Karnival Rahmah yang telah dibuka sejak semalam dan akan berakhir pada 12.30 tengahari, esok.

Majlis perasmian telah disempurnakan oleh Panglima Angkatan Tentera, Jen Tan Sri Dato' Seri Panglima Hj Zulkifli bin Hj Zainal Abidin. Turut hadir Panglima Pemerintahan Bantuan Udara, Mej Jen Dato' Hj Mohammad bin Hj Osman TUDM yang mewakili Panglima Tentera Udara.





